

4. 5 Егда же бысть строитель Римскаго // града именем Ромил, и устрои быти в году десять месяцев. И виде, яко несть лепо десятию месяцем быти в году, исполнятися всему годовому числу в них невозможно, и приложи еще два: генварь да февраль. Умножени же быша они 12 месяцев, ино станет в году 365. И ис тех убо преизлишних днех* дан бысть един день месяцу марту, уставися в марте 31 день. Второй день дан бысть месяцу маю, понеже бо той от болших^м рода. Третий день дан бысть месяцу июлю, имяни ради кесаря Юрия*. Четвертый день дан бысть месяцу октябрю, пятый день дан бысть месяцу генварю, понеже бо той начало родом римским. Кесарь же Аугуст восхоте своего месяца аугуста равна быти месяцу июлю, и отъят у феуралья един день и приложи аугусту, и уставися аугуст 31 день, а февраль 29 ден //, последи же римския астролози^н отъяша у феуралья еще день и предаша декабрю, и уставися в декабре 31 день, а феураль 28 дней, понеже бо той месяц именовася плача и скорби. А егда будет високос, тогда феуралья бывает 29 дней.

О году солнечном. Что есть год и како подобает начало творити разнительно, язычески и по-словенски, и о високостех, и о первом дни века сего и о индикте. Год же солнечный глаголется обхождение солнца, егда убо прошедшим 365-м днем и шестию часом, и паки солнце к тем же местам приидет и обращается по первым своим чертам. А сия же 6 часов собираются от четвертаго круга в четвертое лето и творят един день високосный.

4. 6 Разны же языцы разными времени и год зачинают от марта, // понеже в нем сотворен бысть весь мир, в 25 день марта. То есть первый день века сего, в онь прогна господь бог тму и рече: «Да будет свет» и бысть свет. К тому же повеле господь, к Моисею рече: «Месяц сей да будет первый в месяцах лету». Потому ж и мудрецы год починают от марта и всякому годовому обновлению год мартом починают.

Арапове год починают в 13 день месяца июля и от того времени и лета чтут. Персидцы же и вавилоняне починают годы своя и имеют от 14 дни месяца аугуста и от того времени и лета чтут.

4. 6 об. Римляне починают лета от 12 дни месяца декабря, инии же починают от Рождества Христова и лета чтут. Християне же римстии годы починают месяца сентяб* от 1-го дни лета чтут. // Во Аравии же и во Египте годы^о починают от перваго дни месяца сентября и лета чтут, понеже бо пишет в начале мира древесам плод имети, мнят бо они тогда и мира сотворенна бывша, и се убо не суть право. Толко право с того числа починати одни индикта.

Римляном бо невозможно от далних стран в Рим к данем приходити, и сего ради римстии властели индикты устроиша в 15 лето. На первое пятолетие приношаху на кование железо, во второе пятолетие приношаху сребро на алафу^п, сииречь на жалование воином.

- А христианская пасха по ней^р в седмый день, в неделю. Аще ли будет число на десятом дни стало, то ищи законныя фаски во апреле. 4. 7 И изнайдеш* апрель, и тем днем превыше почни чести // дондеже исполниши 1 число, или 2, или 10, или 18, или 7, или 15, или 4, или 12, или 1, или 9, или 13. На котором в недели число станет, тот есть день законныя фаски. А нам^с пасха будет в предидущую неделю. Аще ли станет число в неделю законныя фаски, ту бо Цветная неделя Вербная. Аще ли в субботу, то есть Великая суббота, понеже бо никогда же не бывает законная фаска в суботу Лазареву, ни в христианскую пасху, но всегда на Страстной недели, а и* Страстные недели никогда же жидовская фаска не выходит.

^м Влияние латинского источника (*maius* — больший).
^о Испр., в ркп. роды.

^п Испр., в ркп. алфу.

^с Испр., в ркп. на.

^н Испр., в ркп. аристо-
^р Испр., в ркп. не-